

四庫全書

史部

欽定四庫全書

史部

山東通志卷八

詳校官監察御史臣劉涓

檢討臣德生覆勘

總校官知縣臣繆

琪

校對官編修臣盧

遂

謄錄監生臣王

宮

欽定四庫全書

山東通志卷七

形勝志

皇朝德敷八表化洽萬邦玉帛車書會歸有極山河四塞之談知不足語於

王道蕩平之世矣然考之周官九州之圖司險是掌山林川澤之阻雖遐陬率土周悉靡遺况拱翼

畿南千里而近者乎東省岱高五嶽海長百川大河

鉅防左提右控列服形勝之重莫之與久舊志沿  
襲前聞罔提厥要而郡有更置今昔亦未可齊觀  
標舉一新期於確當至於象同指臂勢若襟喉約  
畧數言綱領已具更取前山川志以証之則表裏  
徹而要害明守在東方維垣維翰尚其加之意哉  
作形勝志

形勝

舊志形勝合於疆域今改列山川之後使覽者瞭如指掌至其裒集紀載彼此雷同今易以新

語悉依現在疆域標指要害其所據經傳或分或合統弁之簡端各郡摘採原志以實之

濟河惟兗州九河既道雷夏既澤澨沮會同海岱

惟青州岨夷既畧澨淄其道海岱及淮惟徐州淮

沂其又蒙羽其藝大野既瀦東原底平禹貢正東曰青

州其山鎮曰沂山其澤藪曰望諸其山淮泗其浸沂

沫河東曰兗州其山鎮曰岱山其澤藪曰大野其

川河濟其浸雷澨澨一作雍按雷澨即雷澤澨水也或作盧維乃字形沿誤攷維水在

青州盧乃冀州水也東北曰幽州其山鎮曰醫無閭其澤藪曰

豸養其川河濟其浸淄時周禮九州摘要以上自東河至於

東海千里而遙

禮記  
王制

長城之陽魯也長城之陰齊也

管子 泰山之陽則魯其陰則齊帶山負海沃壤千里

史記

魯有大野齊有海隅

爾雅

魯有并費齊有渠邱

國語

常山

以南太行左轉渡河濟漸于海為齊趙穀泗以往奄

有龜蒙為梁楚

史記諸侯王表時魯地  
入楚以上統論各國

泰山巖巖魯

邦所詹奄有龜蒙遂荒大東

保有鳧繹遂荒徐宅

詩魯  
頌

蒲姑商奄吾東土也

左傳

亢父之險車不得方軌

騎不得比行百人守險千人不能過也

戰國策

前有淮

水後有岱宗蒙羽之向洙泗之流大野廣土曲阜尼

邱

博物志  
上論魯國

以東至于海西至于河南至于穆陵北

至于無棣

聊攝以東姑尤以西

左傳

南至陶陰西

至于濟北至于河東至于紀鄆

管子

齊南有泰山東有

琅邪西有清河北有渤海此所謂四塞之國也

戰國策

齊之清濟濁河足以為限長城巨防足以為塞

韓非子

夫齊東有琅邪即墨之饒南有泰山之固西有濁河  
之限北有渤海之利地方二千里持戟百萬懸隔千

里之外齊得十二焉此東秦也

漢書田肯語

營邱有天固

齊負海而縣山

說苑

齊負海之國也

史記

齊國實坤德之

膏腴而神州之奧府

徐幹齊都賦

青齊沃壤號曰東秦土

方二千戶餘十萬四塞之固負海之饒所謂用武之國

南燕潘聰語以上論齊國

山東自上世以來為心腹根本之地

宋蘇

軾語全省

論

東接臨淄之饒西阻濟河之限衆泉競發

而滙流於南北各郡分列而達道於東西

嘉靖舊志濟南府

東盤琅邪西控鉅野北走厥固南馳互鄉

李白任城廳壁記



兗州府

宋衛齊魯之衝

地理志

轉輸所經常為南北孔道

且西連相魏居天下之胸腹北走德景當畿輔之咽

喉

戚繼光紀效新書 東昌府

東道之雄號稱富衍

宋地理志

池深灌

南陽之激湍城高障東陽之故堞穆陵諸山九臺十

城星羅碁布而沂濰淄汶清河諸水又從而環繞之

此青州之雄麗千古之偉觀也

嘉靖舊志 青州府

北指旅順

為遼碣之襟喉南翼成山控江淮之門戶

紀效新書

憑負

山海利擅魚鹽東有朱高之險西有石門之固

郡志 登

州土疏水闊山高海深

太平寰宇記

內屏青齊外控遼碣

紀效新書

羅山亘其東濰水阻其西神峯距其南渤海枕

其北

郡志

渤海之間一大都會

史記

九河之會五壘

之居

粟宇記

南連清濟北接滄瀛右控平原左環渤海

所以屏蔽畿甸權衡南北也

紀效新書

俯瞰渤海環抱清

河四際平曠中區突起古無棣之墟用武之國也

濟南

郡志

琅邪古郡海右雄藩介青齊之遐境跨蒙羽

之名山

金劉文蔚沂州賦

蒼蒙拔其翠沂涑流其清前則襟

乎淮海後則負乎濟青

明舒祥賦  
沂州府

境接青疇俯瞰獲

麟之渡山開翠屺斜連辨馬之峯

唐駱賓  
王文

介齊魯之

間為中樞之地

襟帶濟河控援魏博舟車四達屹

為要津

紀效  
新書

岱嶽奠其後汶水經其前溪山峻隘據

東南之勝

羣山雄踞於東北衆水夾流於西南洵

稱五服之尊古藩封之勝地也

舊志合採  
泰安府

指揮相魏

顧盼汴梁當走集之郊為四戰之地

紀效  
新書

有歷山青

邱之盤有雷夏大澤之瀦

舊志合採  
曹州府

濟南府

省會之地 包岱陰而啓宇 仙嶂崢嶸倚海右以提  
封名川滍溢充青分挽在左右肘腋之間汶衛交滌  
為南北襟喉之地矚堯衢之密邇允堪屏翰

神京觀禹貢之來同洵足綱維列服

歷城縣

附郭

屏歷岫而展鵲山襟明湖而帶清濟為二

東之冠冕實四塞之奧區

章邱縣

在府東一百一十里

東攬會仙之巍峯北枕女郎之秀

嶽清水直通於濟瀆獺河曲注乎淄門

鄒平縣

在府東北一百八十里

印臺南峙擁長白以嵯我獺水

西流注小清而蕩漾

淄川縣

在府東南二百三十里

羣山裒阻壯萊谷以重關衆水

濼泅護般陽之奧壤

長山縣

在府東北二百一十里

山圍長白河繞雙清水泉潔而

土脉自膏岡阜崇而風氣攸萃

新城縣

在府東北一百三十里

鐵山四角拱揖東西烏水清河

映帶左右

四角山名

齊河縣

在府西五十里

長虹度郭跨濟瀆之清流膏土連阡

接岱宗之大麓

齊東縣

在府東北一百八十里

控海名區瀕河重鎮齊履則壤

連青社漢封則城接梁鄒

濟陽縣

在府東北九十里

兩川畱禹迹邑當濟漯之間百里

屬齊疆地駕鄒譚而上

禹城縣

在府西北一百一十里

具邱獨秀于中臯漯水朝宗於

巨壑

臨邑縣

在府西北一百三十里

南臨漯水北繞鉤盤既資潤于

河濱復擅雄于齊右

長清縣

在府西南四十里

列嶂巍巍引齊防而宗泰岱衆泉

漉漉會魯濟以赴滄溟

陵縣

在府西北一百六十里

厭次遺墟膏資廣陸平原舊治

險設重城

德州

在府西北一百八十里

方山東抱衛水西環乃燕齊扼

塞之衝兼水陸會通之道

德平縣

在府北  
二百里

齊履捍其北鄙高津據乎上游

平原縣

在府西北二  
百五十里

地勢砥平趙邑齊封錯壤河流

帶曲高津馬頰交滌

兗州府

省南三百二十里 南抱黃河注以汶泗滹沂之水

北依泰岱翼以尼防鳧繹之山臨漕觀輸輓之勤檣

帆絡繹遵路見置郵之速車馬縱橫據五方水陸之



通衢作四國蕃宣之重地

滋陽縣

附郭

瑕邱北亘秀擁嵒山泗澤西流清涵沂水

禹貢辨方於徐土周盟啓宇於魯邦

曲阜縣

在府東三十里

尼防翼峙洙泗襟滌都大庭少皞以

承休統聖域賢關而為烈

寧陽縣

在府北五十里

伏山衍脉於寧山洸水分流于汶水

宛矣龔邱之美洵哉剛邑之雄

鄒縣

在府東南六十里

九龍連岡以向城白馬滙泉而入

運

泗水縣

在府東九十里

層厓疊嶂徵陪尾之逶迤懸溜洄泉

見泗河之浩瀚

滕縣

在府東南一百四十里

巖岫盤紆援鄒接嶧河湖演漾

導沈通徐非同蕞爾之封雅有蔚然之勝

嶧

縣

在府東南一百六十里

山勢爭迴葛嶧流泉競注滄浪

一津儼龍首之渠兩省錯犬牙之壤

金鄉縣

在府西南一百八十里

漕渠左絡大野右環近瞻莎嶺

之舒青遠攬金山之聳翠

魚臺縣

在府南一百七十里

東接鄒滕扼衝津于漕運西聯曹

單防險汎于河渠

濟寧州

在府西六十里

翼魯郊而控宋野環汶水而帶泗流

舟車臨四達之衢商賈集五都之市

嘉祥縣

在府西一百一十里

倚萌山而結宇滙澹水以歸湖巖

壑幽深井疆膏衍

汶上縣

在府西北九十里

中都平陸封疆介齊魯之間汶水

蜀陂漕運總河湖之會

陽穀縣

在府西二  
百八十里

穀山隆起壯盟會之高臺汶水紆

流達河漕之要道

壽張縣

在府西二  
百九十里

黃河舊險半繞梁山漕運通津全

資汶水

東昌府

省西二百四十里

遠稽封域右趙邑而左齊疆近

瞰漕流南會通而北永濟舟車鱗集綜八達之衢途

原畛綺分闢千疇之廣土省會藉維垣之固

京畿資作鎮之雄

聊城縣

附郭

博固名區陽平舊壤武川東注汶水北流

標丹閣以高臨鞏金堤而屹峙

堂邑縣

在府西四十里

長河似帶乃汶頰之襟喉厚土如堂

與冠莘為唇齒

博平縣

在府東四十五里

雄風控引于攝東險跡盤迴于河

曲

荏平縣

在府東北七十里

泰嶽干霄翼荏山而鍾秀濟流伏

地牽瀑水以揚波

莘

縣

在府西南九十里

北枕弁山之墳壤屹有巖城西滌

馬頰之津涯宛同澤國

清平縣

在府北九十里

河渠資潤津渡通漕衝途稱古鎮之

雄沃壤擅清陽之美

冠縣

在府西南一百五十里

河流膏潤即唐志之頰津土宇

豐饒本晉國之冠氏

臨清州

在府西北一百二十里

連城依阜百肆堵安兩水交渠

千檣雲集關察五方之客牖通七省之漕

館陶縣

在府西一百八十里

陶邱鬱鬱趙館攸崇衛水湯湯禹

川既滌

邱縣

在府西一百八十里

疆圻本晉趙之雄川澤兼衛漳之

沃

恩縣

在府東北一百八十里

津亭西接于衛河驛路北連乎

安德本貝州之古郡實博固之名藩

高唐州

在府東一百里

魚邱枕以玉岡馬頰通乎漯水

夏津縣

在府北一百二十里

衡水要津長堤曲如鞞帶鄒城古

壤巨鎮固於苞桑

武城縣

在府北一百八十里

高城即衡水為滄平野以馬營作

鎮本冀州之舊壤分趙國之名疆

青州府

省東三百五十里

大弁南盤振翼而臨徐兗岨岬

左貫抵掌而控登萊面穆陵十二之層關憑渤海三



千之巨浸緬彼一匡之霸業固藉人豪攬茲四塞之  
巖疆實緣地險

益都縣

附郭

雲門劈沂弁之支陽水滙淄瀕之脉既欽

崎而憑阻復浩渺以凌滄

臨淄縣

在府西北  
五十里

大海東環淄澗注脉崇山南拱牛

杜盤基固爽鳩之始封實青齊之最勝

博興縣

在府北一  
百二十里

列服分疆奠蒲姑於東土羣川注

海據馬瀆之上游

高苑縣

在府西北一百五十里

苑牆同屏翰之資清渠有襟帶

之衛

樂安縣

在府北九十里

清河繞注淄水經流三齊府海之奧

區千乘提封之沃野

壽光縣

在府東北七十里

名川絡赴于滄溟廣野連綿于巨

淀畫萬疇而任土列千竈以熬波

昌樂縣

在府東七十里

營城舊壤青社雄都孤山樹特立之

觀丹水壯朝宗之勢

臨朐縣

在府東南四十五里

東為沂鎮巍然黃帝之封南至穆

陵屹若太公之履

安邱縣

在府東南二百里

環之牟岵諸山繞以汶濰二水三

恪揚休於杞國數圻增重於齊都

諸城縣

在府東南三百里

馬耳山前層厓障日琅邪臺外巨

海粘天爭雄於魯壘齊城標勝於越都秦邑

博山縣

在府西南一百八十里

原山乃羣嶂之宗瀧水實諸泉

之滙介邱封麓地靈夙號神頭夾谷會臺天險常留

甕口

登州府

省東北九百四十里 羣峯綿邈成山斗立於波中  
衆壑委輸大海環周於域外防島備倭之峻堡安不  
忘危拱燕衛薊之要區遠能應近雖孤懸之僻郡儼  
馮翼之雄州

蓬萊縣

附郭

神山鬱其西南溟渤浩乎東北僊閣勝概

海市竒觀

黃縣

在府西南六十里

羣峯左右環拱萊山兩水東西奔

流渤海

福山縣

在府東一百四十里

罨采傍海射魚靖沃日之濤崩劣

憑城展鳳啓凌雲之秀

棲霞縣

在府東南一百五十里

巖邑面翠屏之截巉濱都臨白

水之淪漣

招遠縣

在府西南一百五十里

溫泉與沽水分流霞岫共雲峯

對峙

萊陽縣

在府南二百五十里

西北名山旌旗列隊東南巨浸島

嶼浮空

寧海州

在府東二百二十里

崑崙拔地聳千尋振幽棲之林壑

溟渤浮天開兩面壯南北之藩籬

文登縣

在府東南三百二十里

鐵槎積翠層霄仰貫斗之形玉

海環滄夾岸控朝宗之勢

海陽縣

在府南二百二十里

鰲山嵒嵒連三駕以摩天昌水溶

溶循五龍而注海

榮成縣

在府東三百八十里

成山標柱問當年召石之雄溟澥

安瀾試今日涉川之利艤幢有設保障維虔

萊州府

省東七百三十里 山為勞澤名峯本大東小東之

巨障水有膠萊故瀆乃南海北海之通津淮子飛檣

百貨遠通吳會下營挂席千艘直抵幽燕在省會為

臂指之聯於輓輸有肘腋之用

掖

縣

附郭

面山作阻負海為雄萊墟式廓于齊封夜

邑夙標於漢縣

平度州

在府南一百里

大澤羣峯之拱峙姑尤二水之迴環

貫地脊於登青判河流於膠掖

濰縣

在府西二百二十里

居白狼丹水之中風泱泱而表海

在塔嶺程符之北雲靄靄以連山

昌邑縣

在府西南一百五十里

虎山鳳阜鬱鬱環城膠水濰川

溶溶入海車馬會青萊之道檣帆通遼碣之津

膠州

在府南二百二十里

北淪膠河達漕艫於燕薊南凌滄



海通商舶於吳閩星羅列堠之巖壁立長城之險

高密縣

在府西南一百六十里

五龍九穴水澤澄泓礪阜羊山

林巒秀蔚

即墨縣

在府東南二百二十里

勞山埒級于岱宗墨水滙流于

滄海齊封傑壤漢密巖城

武定府

省東北二百七十里 南交濟漯襟二水之靈源北

繞高盤躡九河之勝跡雄稱無棣雖然地處一隅險

恃滄溟直是天浮萬里泝雲帆於遼省駕浪遄飛探  
星渚於薊門乘流直上

惠民縣

附郭

樂安舊壤寄東國之屏藩無棣名區壯北

門之鎖鑰

青城縣

在府東南九十里

宅清河之沃土控滄海之要津

陽信縣

在府北四十里

棣城翰青野之封信水伏黃河之脉

海豐縣

在府東北六十里

禹瀆東流鉤盤既道齊疆北至無

棣稱雄

樂陵縣

在府西北  
九十里

三河順軌以環流兩省分圻而繡

錯

商河縣

在府西南  
九十里

商流南繞馬頰北趨衛齊履以為

垣倚漢堤而作固

濱州

在府東  
九十里

溯禹功於濟高猶存河伯之鄉問管

筭於魚鹽洵屬海王之國

利津縣

在府東一  
百五十里

蠓浦朝宗濟水達乎千里鐵門鎖

浪滄海長於百川

霑化縣

在府東北  
七十里

一泓少海表裏齊疆數疊久山縱

橫秦壘

蒲臺縣

在府東南一  
百二十里

關臨廣斥千艘載雪以東來鎮

表清河百雉連雲而北拱

沂州府

省東南六百里 西北則千巖競秀列龜蒙雕拓之

峯東南則百谷朝宗會沂沫浚祊之水提衡關隘犄

青野之名州管鍵驛門控江淮之遠甸齊扼琅邪而

作壘魯毗東鄆以為防

蘭山縣

附郭

沂水環城蘭山作鎮本琅邪之古治郊牧

繁雄在淮海之名疆土田沃衍

郟城縣

在府南一百一十里

北連魯莒南控海邳河流則沂沐

雙滌巖壑則虎龍互抱

費

縣 在府西一百里

龜蒙自北羣峭圍青祊涑而東兩川

瀉碧

莒州

在府東北一百八十里

姑幕遺封莒邦故域柘山翠靄

擁箕屋以東來沫水澄波滙葛陂而南注

蒙陰縣

在府北二百二十里

蒙山汶水擅堂阜之勝區白馬紫

荆衛頡臾之固域

沂水縣

在府北二百二十里

沂川巨浸東莞名區重關負大弁

之雄複嶂扼雕厓之險

日照縣

在府東二百八十里

憑山以絡齊莒遵海而控江淮

泰安府

省南一百八十里

岱為五嶽之宗冠諸峯而表鎮汶

有四源之會斂衆水以資漕畫社分垆實青徐之根  
柢設郵置堠乃南朔之樞機自虞巡周狩以來卓哉  
靈府在陽魯陰齊之地屹矣長城

泰安縣

附郭

泰山鬱確憑玉几于徂徠泮水漣漪結象

環于石汶

肥城縣

在府西  
九十里

山連廣里倚岱嶽以為防水接靈津

分濟川而作限

新泰縣

在府東一  
百五十里

新甫高標並挹岱蒙之秀平陽曲

注遙通汶濟之津

萊蕪縣

在府東一百一十里

綜牟羸之疆索四汶交流藉沂岱

為屏垣千峯夾峙

東平州

在府西一百八十里

岱右之諸峯羅列梁山西峙以分

支濟陰之故瀆伏涵汶水東流而來會巖壑以崢嶸

見偉津途以衝要稱雄

東阿縣

在府西一百一十里

城頭黃石瞰狼水以巖巖渡口清

河貫魚山而浩浩



平陰縣

在府西一百七十里

石門南峙遙聯大檻之雄濟水西

環近接鉅防之險

曹州府

省西南五百八十里 黃河浩泚險騰怒馬之濤大

野瀕溶靈結獲麟之渡總雷澤成陽之奧域鬱蔥常  
繞穀林伏濟川荷水之長流膏沃遠滋桑土充豫倚  
咽喉之重魯衛推藩翰之隆

荷澤縣

附郭

南山雨國膏流振鐸之封大澤雷陂靈護

神堯之域

單縣

在府東南一百五十里

黃河一曲虹臥長堤單父四郊

星臨平野

城武縣

在府東南一百里

城倚文亭之秀壤聯郛野之腴

鉅野縣

在府東一百四十里

平蕪曠渺史稱魯狩西郊衆水淪

漣書紀禹瀦大野

鄆城縣

在府東北一百二十里

占廩邱之高阜帶濰河之巨流

曹縣

在府東南一百里

黃河澎湃堤鞏大行景阜差莪鎮

安磐石

定陶縣

在府東南四十里

陶邱四達昔稱天下之中荷澤平

分今在大河以北

濮州

在府北一百一十里

郊原墳衍湖帝蹟于高陽曹衛名

區稱雄藩於東郡

范縣

在府西北一百八十里

仲隄北峙邑藉永寧瓠水東趨

河存故險

觀城縣

在府西北一百五十里

馬頰繞乎東南澶淵環其西北

外控燕趙內捍魯齊

朝城縣

在府西北  
二百里

疏淪神功探淵源於漂水會朝霸

業尊壇坫於齊臺

山東通志卷七

欽定四庫全書

山東通志卷八

圻封志

國家建極

燕京丕基永固披設都之成軌採胙土之遺風東西  
朔南無遠勿屆矧其近在侯甸者哉粵自邃古以  
逮有明天子一圻列國一同河山帶礪之雄亦旣  
代有興置矣然而吳頊之墟標諸奄濮勳華之宅

紀在陶姚以至元子之錫田太公之賜履迄今傳  
述不衰蓋惟有德者為足尚焉帝迹侯封攬卷可  
得握網紐而樹屏垣是亦治典之所考鏡也作圻

### 封志

帝圻

凡帝王設都之地尊為帝圻會歸之義先於衆建也至誕降之祥發跡之異凡史書有可據者

皆採而輯之以資博聞焉舊志闕入蕭梁以南蘭陵為北蘭陵是又不知論世之本者矣

大庭氏伏羲之後繼女媧氏而有天下都於曲阜

帝王

世紀女媧氏歿大庭氏王有天下亦曰朱顏氏尚書大傳并通鑑外紀云大庭氏之膺錄也三辰增輝五

鳳異色繹史云自女媧氏至無懷氏凡十五傳皆襲庖羲之號路史謂大庭諸氏皆在伏羲前又偽三墳書以為皆伏羲臣名尤不可從也左傳魯有大庭氏之庫杜註云大庭古國名也炎帝始居大庭太平寰宇記曲阜縣春秋之魯國其地古大庭之墟華陽郡國志神農自陳徙都曲阜昔為大庭墟有大庭之庫存焉詳古蹟

赫胥氏伏羲之後大庭氏五傳為赫胥氏崩葬於陽

邱今章邱縣臨濟鎮東故朝陽城內相傳有赫胥氏陵見邑志詳陵墓

有巢氏又曰大巢氏伏羲之後大庭氏十傳為有巢

氏居石樓山遁甲開山圖云石樓山在琅邪昔有巢氏治此山南按琅邪郡為今沂莒二州

地攷莒州志載有石牟山為昔有  
巢氏治即石樓山也詳山川志

炎帝神農氏姜姓少典氏之後

史記作少典子

母曰安登育

於姜水故以姜為姓代庖羲氏而有天下以火德王

故曰炎帝始制耒耜教民稼穡故曰神農初都於陳

徙都曲阜在位一百四十年傳帝臨魁帝承帝明帝

宜帝來帝裏帝榆罔凡八傳

按通鑑外紀炎帝八世帝王世紀帝承在帝臨

之上路史分臨魁為二人又帝柱帝慶甲帝節帝莖  
帝克帝戲帝器帝祝融共十六帝今依外紀又按帝

裏或作帝哀亦作帝居  
末帝榆罔漢書作參盧



黃帝軒轅氏公孫姓有熊國君之子生於壽邱今曲阜

史真宗大中祥符元年以軒轅黃帝降於延恩殿謂曲阜之地名壽邱帝生於此因改曲阜縣曰仙源詳

置建長於姬水故又以姬為姓有土德之瑞代神農氏

而有天下都於涿鹿生子二十五宗其得姓者凡十

二焉

姬酉祁巳滕箴任荀  
僖媯嬭依凡十二姓

少昊金天氏已姓黃帝之孫

按通鑑外紀黃帝元妃  
嫫祖生昌意元囂苗龍

次妃女節生休及清陽三妃彤魚生揮及夷鼓四妃  
嫫母生蒼林禹陽餘子無考休嗣帝位昌意乃顓頊

之祖元囂乃帝嘗之祖青陽乃少皞之父少昊繼帝  
休而以金德王天下史記謂青陽卽少昊又云元囂

是為青陽當是誤也又皇甫謐及宋衷皆當黃帝之云元翼青陽繼黃帝位者亦仍前史之誤

世降居江水邑於窮桑故號窮桑氏

按路史窮桑本在雍梁之域今

兗州府城北亦有窮桑社

國於青陽故又號青陽氏能修太皞之

法故曰少昊以金德王故曰金天氏繼黃帝而有天下都於曲阜在位八十四年年一百歲崩葬雲陽山

在曲阜縣東北貳里

顓頊高陽氏姬姓黃帝之曾孫

按史記云顓頊帝係黃帝之孫父曰昌意

母曰女樞感瑤光貫月之祥生帝於若水攷通鑑外紀黃帝生昌意昌意生乾荒乾荒生顓頊則係黃帝

之曾孫也年十歲佐少昊二十卽帝位以水德王繼金天

氏而有天下初國高陽故又號高陽氏都於帝邱今東

昌府西直隸大名府東皆是

大在位七十八年年九十七歲崩葬濮

陽

皇甫謐云帝邱地名今東郡濮陽是也按一統志大名府滑縣東北七十里土山村有帝邱城春秋

時衛成公遷於此又開州城東二十五里有顓頊城亦名東郭城云是顓頊古都有顓頊陵又臨河廢縣東北三里亦有顓頊城未知孰是今聊城縣西北相傳亦有顓頊陵詳見陵墓要之東昌之西大名之東皆古濮陽地也卽帝邱地也

帝堯陶唐氏伊祁

史或作者

姓黃帝曾孫帝嚳之子母曰

慶都又曰陳豐孕十有四月生堯於丹陵帝摯在位

堯年十五封為唐侯國於陶邱今定陶縣故曰陶唐氏以

火德王繼帝嚳而有天下都於平陽在位七十年年

百十有七歲崩葬穀林堯陵在今曹州府詳見古蹟秩祀陵墓志

帝舜有虞氏姚姓虞君幕之後本路父瞽母握登生

舜於諸馮之姚墟今濮州歷山下有姚城耕於歷山漁於雷澤

陶於河濱俱濟陰地今定陶縣西南就時於負夏水經註云卽瑕邱今觀城縣別

有負瑕村年二十以孝聞三十徵庸攝堯政二十八載堯

崩繼堯而有天下在位五十載年百有十歲崩於鳴條

商王成湯子姓名履帝嚳次妃簡狄生契封於商傳

世十三曰天乙是為湯伐夏而有天下都於亳在位

十三年崩葬濟陰

今湯陵在曹縣南二十里詳陵墓志

西漢高帝姓劉名邦沛之豐邑人也為泗上亭長秦

二世元年起兵於沛滅秦誅楚項羽諸侯王共勸進

乃即帝位於汜水之陽

在曹縣界今稱受命壇

國號漢都於長

安在位十有三年

孝哀帝高祖八世孫名欣定陶王康之子成帝無子

立為皇嗣旋即帝位尊定陶王為恭皇母丁姬為帝

太后傅太后為帝太太后

傅丁二后墓在今定陶縣西左山

東漢光武帝高祖九世孫名秀父欽為濟陽令

今曹縣定

陶皆係漢濟陽縣地

生帝於縣舍其後起兵誅王莽即帝位都

於洛陽是為東漢世祖在位三十三年

孝安帝世祖四世孫名祐清河

今臨清博平等地

王慶之子

帝在清河數有神光照室又有赤蛇盤於床第之間  
年十歲延見禁中和帝嘗稱異之延光元年殤帝崩  
鄧太后立之是為安帝尊清河王曰孝德皇母為孝

德后清河之墓曰甘陵

今臨清州河西十五里有  
甘陵耿貴人墓帝生母也

蜀漢昭烈帝名備孝景帝子中山靖王勝之後帝祖  
雄嘗為東郡范令父弘未仕早卒靈帝末帝從太尉  
朱雋討青州黃巾賊有功授中山安喜尉尋罷後募  
兵討董卓除下密丞遷高唐令中郎將公孫瓚表為

司馬領平原相建安元年進鎮東將軍封宜城亭侯

今德平縣有帝觀蓮臺漢平原境也詳古蹟志

尋以左將軍領豫州牧二十

年權荆益二州牧二十四年進位漢中王二十六年

魏革漢諸臣咸勸進乃卽位於成都在位三年

宋太宗姓趙名匡義太祖母弟建隆元年領泰寧軍

節度使

今兗州屬

開寶九年尊杜太后遺命繼太祖卽帝

位改泰寧軍為襲慶府

英宗名宗實太宗曾孫濮安懿王允讓之子

卽今濮州仁



宗嘉祐七年立為太子領齊州防禦使仁宗崩即帝位升齊州為興德軍

按舊志所載帝蹟畧漢宋而採及齊梁并及梁之宣帝攷齊梁系出蘭陵乃南蘭陵也通鑑載齊高祖蕭道成為漢御史大夫蕭望之之後望之北蘭陵人今之嶧縣傳十二世為淮陰令整渡江居晉陵武進時僑居江左者皆置本土地名加以南字於是武進為南蘭陵至劉宋詔僑置土名不得加南字整三傳為劉宋右將軍承之即高祖父也分支南徙發跡殊疆卒附及之所未安矣故略而不書

附后徽

三代之世天子娶於諸侯如齊紀二國徽晉嗣續載在史書無庸備志茲從漢始非正位

中宮者不得與帝並尊故妃嬪追封附見陵墓古蹟志至列國夫人採其賢者載列女志

漢高后呂氏名雉單父人

今單縣

其父呂公善相識高

祖於微時以女妻之后為人剛毅佐高祖定天下生

惠帝及惠帝崩臨朝稱制八年

漢宣帝后許氏昌邑金鄉人

即今縣

父廣漢為暴室嗇

夫當宣帝微時以女妻之及即位羣臣欲以霍光女

為后帝詔求微時故劍乃喻上指因請立許為后後

當娠病霍光妻顯賂女醫中毒而崩謚曰恭哀皇后

漢成帝后許氏平恩侯許嘉之女廣漢之從孫女也

元帝傷恭襄太后居位日淺而遭霍氏之害乃選嘉女為皇太子妃成帝卽位立為后後以姊謁詛咒事覺坐廢

漢獻帝后伏氏名壽琅邪東武人

今諸城縣

大司徒湛之

八世孫不其侯完之女也帝遷長安時后入掖庭為貴人興平二年立為后

晉惠帝后羊氏泰山南城人

今貴縣

祖瑾父元之大安

元年立為后

東晉安帝后王氏琅邪臨沂人

今沂州

父獻之母新安

愍公主后以太元二十一年納為太子妃及安帝即位立為后

劉宋世祖后王氏臨沂人元嘉二十年拜武陵王妃世祖即位立為后

劉宋明帝后王氏臨沂人元嘉二十五年拜湘東王妃及即位立為后

明宣宗后胡氏濟寧州人父榮為錦衣衛百戶永樂

十五年選為太孫妃及宣宗即位立為后後以無嗣讓位於孝恭孫后

明宣宗后孫氏濟南鄒平人永樂時與胡后同選入侍太孫宣宗即位胡立為后后時為貴人生英宗胡后讓位中宮英宗立尊為孝恭皇后

封建

王制凡胙土傳世者始得稱為侯封其餘雖曾庸爵土之名而未嘗歷享國之實者桀不敢入

至三代之附庸兩漢之功臣恩澤侯亦得並列以其載盟府之藏而兼重以神明之胄也

唐虞三代

任

風姓太昊伏羲之後左傳曰任宿須句顓臾實司太昊與有濟之祀周為魯附庸至戰國時猶存見

孟子今  
濟寧州

宿

風姓春秋隱公元年盟於宿莊公十年宋人遷宿今東平鄆城之界

須句

風姓太昊之後春秋魯僖公二十一年邾滅須句須句于奔魯今壽張縣西北有須句城

顓臾

風姓太昊之後周為魯附庸詳見論語今費縣有顓臾城

州

姜姓炎帝神農之後國於淳于春秋桓公五年州如曹左傳曰淳于公如曹度其國危不能自存

也地入莒齊桓公合諸侯之師城緣陵而遷杞焉淳于在今高密安邱二縣地杜註誤以定陶為古州國

蓋淳于公所  
如之國也

紀姜姓炎帝之後當周夷王時嘗譖齊哀公於周王烹哀公故齊紀世仇春秋莊公三年紀季以鄆入

於齊四年紀侯大去其國紀亡地入於齊今壽光縣有紀臺城

向姜姓炎帝之後周為莒附庸春秋隱公二年莒人入向宣公四年伐莒取向蓋向已為莒所滅而魯

取之也今莒州東有向城

焦姜姓炎帝之高武王封之為魯附庸在今嘉祥縣南十五里青山左

甲父姜姓炎帝之裔左傳甲父氏之鼎漢書昌邑縣有甲父亭今金鄉縣

檀炎帝之後一曰灌檀在今滋陽縣境

滕姬姓黃帝第十子封於滕後以地為姓今滕縣詳後

清

黃帝之子封於清是為青陽語見路史今堂邑縣

薛

任姓黃帝之後奚仲為夏禹掌車服大夫受封於薛後遷於邳至商仲虺為湯左相復居於薛周封

以侯爵至獻侯始朝魯見於春秋傳襄公定薛公比惠公夷後為楚所滅今滕縣南有薛城

南燕

姑姓黃帝之後伯儵始封南燕見繹史今曹縣北有燕城

祝

姑姓黃帝之後至周改封於薊封堯後於祝見戴記今禹城縣

過

依姓又作猗黃帝之後夏寒促處其子澆於過今掖縣有過鄉又有過亭

奄

嬴姓少昊之後始祖翳為東方夷國周武王伐奄即此成王踐阼遷其君於蒲姑以其地封元公子

伯禽是為魯國詳魯漢書古奄國即魯之奄里



莒 已姓少昊之後世譜作羸姓又高陽氏後亦有莒國係曹姓至周滅曹姓之莒以封已姓之莒本夷

君無諡而有號自武王封茲與期於莒十一傳至茲丕公始見於春秋傳紀公渠邱公黎比公著邱公共

公郊公莒子狂後為楚所滅都於介根漢書作計斤今高密諸城以至莒州皆其地

郟 已姓少昊之後春秋昭公十七年郟子來朝詳闕里志即今郟城縣

爽鳩氏 少昊之臣齊晏子曰昔爽鳩氏始居齊其後季荊因之有逢伯陵因之蒲姑氏因之而後

太公因之凡齊地皆是詳建置

陸終氏 顓頊之裔封於陸鄉在平原國般縣今德平縣

豕韋氏 顓頊之裔陸終是生彭祖彭祖生大彭氏大彭生豕韋氏即三蘗之韋也在東郡白馬縣

東南有韋城  
今觀城縣

顧已姓顓頊之裔封於范後黨桀為湯所伐詩云  
苞有三蘂韋顧既伐昆吾夏桀是也今范縣

昆吾氏顓頊之裔名樊者封於昆吾後黨  
桀為湯所伐今濮州有昆吾亭

融已姓顓頊之裔虞舜封泰龍氏董父於三融是為  
融夷湯伐桀桀退保三融今定陶縣有三融亭

寒妘姓顓頊之裔夏所封國左傳寒浞伯明氏之讎  
子弟也即此漢書北海平壽縣有寒亭在今濰縣

鄆妘姓顓頊之裔春秋昭公十八年鄆人藉稻邾人  
襲鄆入之杜註在琅邪開陽縣按開陽即古啓陽

哀公三年城啟陽則鄆在昭公時併於邾當  
哀公時又併於魯也今沂州北有開陽城

偃陽妘姓祝融之孫陸終第四子求言封於偃陽春  
秋襄公十年晉會諸侯於祖遂滅偃陽以予宋

路史云晉襄母偃姑  
國卽偃陽也今嶧縣

夷

妘姓顓頊之裔春秋隱公元年紀人  
滅夷杜註在城陽壯武縣今諸城縣

斟灌斟鄩

曹姓顓頊之裔按繹史陸終氏五世為斟  
姓與韋顧同封其後為斟灌斟鄩二氏夏

之同姓國也通鑑太康畋于洛表羿拒於河遂都陽  
夏既崩弟仲康立傳子相遷於帝邱依同姓諸侯斟  
灌斟鄩氏后相在位之八歲寒浞殺羿生子澆及豷  
至二十八歲浞使子澆殺斟灌以伐斟鄩弑后相于  
帝邱時后婚方娠奔於有仍生少康臣伯靡奔有鬲  
氏寒浞處澆於過處豷於戈歷四十歲靡自有鬲氏  
收二斟之衆滅寒浞立少康少康滅澆於過使子李  
杼滅豷於戈復禹之績汲郡古文云太康居斟鄩相  
居斟灌是也攷之諸書漢書薛註陽夏卽今太康縣  
括地志云鄩城在洛州鞏縣薛註斟灌卽東郡觀扈

今之觀城縣太康都陽夏而依斟鄩后相都帝邱而  
依斟灌則鄩城之在鞏縣斟灌之即觀城各近王都  
為有據矣乃漢書註云壽光縣有灌亭即斟灌國也  
斟亭在平壽縣東南即斟鄩國在今之濰縣距陽夏  
帝邱皆千有餘里不可云依斷非故迹按寒即濰縣  
與壽光接壤豈少康滅過及寒即以其地封鄩灌二  
氏以鎮撫之歟備  
載之以俟博古者

邾

曹姓陸終之第五子封於邾從前世系無考自周  
武王命曹俠仍居邾為魯附庸俠生非非生成成

生車輔車輔生將新將新生訾父訾父生夷父夷父  
傳弟叔術叔術生夏父夏父生儀父從齊桓公會盟  
有功因爵以子傳文公定公宣公悼公莊公隱  
公桓公至穆公遂改為鄒後為楚所滅今鄒縣

小邾

與邾同出曹俠之後六傳至夷父顏有功於周  
封其子友於邾為魯附庸友之後邾黎來從齊

桓公會盟列於諸侯謂之小邾子自黎來  
之後六傳而并於魯今滕縣東有邠城

根牟

本顛頊之裔世居東夷春秋宣公九年取  
根牟杜註琅邪陽都縣有牟鄉今沂水縣

鑄

陶唐氏之後春秋襄公二十三年臧宣叔娶於鑄  
漢書濟北國蛇邱縣有鑄鄉城今平陰縣劉昭曰

周武王未下車封  
堯後於鑄卽此

鄒

姚姓有虞氏之  
裔今鄒平縣

濮

路史云有虞氏帝子  
散封於濮今濮州

遂

虞舜之後周時為齊附庸春秋莊公十三年齊  
人滅遂漢書濟北蛇邱縣有遂鄉在今寧陽縣

觀

左傳云夏有觀扈夏后啓五年庶俱封於衛是為五  
觀竹書紀年云帝啓十一年放王季子武觀於西

河十五年武觀以西河叛彭伯壽帥師征之武觀來歸今觀城縣

繒如姓史記作鄩路史云夏后帝杼一曰松曼是為帝與卽位五歲征東海伐三壽乃封其仲子曲烈

於鄩至周為莒所滅今嶧縣西南有繒城

杞如姓侯爵初商湯王封夏少康之後於曹東之樓是為杞東樓公終殷之世其名代不可考周武王

求禹後得東樓公復封於杞以奉夏祀實今之河南杞縣傳至武公始見於春秋僖公十四年諸侯城緣

陵而遷杞卽古淳于國也傳靖公共公惠公成公桓公孝公文公平公悼公隱公僖公閔公哀公出公簡

公後為楚所滅

緡夏所封國左傳夏后相娶於有緡氏又僖公二十三年齊伐宋圍緡又鄒衍子云余登緡城以望宋

都在今  
金鄉縣

高 鄆姓皋陶之後今德平縣  
九河之高津在其境內

季前氏 虞夏時諸侯繼  
爽鳩氏者詳前

宛 子姓史記商王武丁封  
其子於宛今高苑縣

微 商王帝乙之庶長子啓紂封於微今壽  
張縣西北有微子鄉周武王改封於宋

蒲姑 殷周之間代逢伯陵為諸侯者成王時作  
亂滅之以益封齊漢為姑幕縣今莒州

卞 古卞明國竹書紀年云湯  
伐有卞今泗水縣有卞城

魯 姬姓侯爵武王既克商而有天下封元公旦於魯  
留相王室命子伯禽就國都曲阜是為魯公卒子

首立是為考公卒弟熙立是為煬公卒子宰立是為  
幽公其弟潰弑之而自立是為魏公卒子擢立是為  
厲公卒子具立是為獻公卒子湏立是為慎公卒弟  
叔立是為武公武公與長子括少子戲共朝於周宣  
王愛戲立為魯世子是為懿公括子伯御弑懿公而  
自立宣王伐而誅之立懿公弟稱是為孝公卒子勿  
湟立是為惠公生子息及允惠公卒子息立是為隱  
公公子翬弑之而立允是為桓公公卒於齊子同立  
是為莊公卒子般立慶父殺般而立公子開是為閔  
公慶父復弑閔公公子季友乃以齊師奉閔公之弟  
申入立是為僖公卒子興立是為文公生子惡及視  
嬖生子佞公子遂殺惡及視而立佞是為宣公卒子  
黑肱立是為成公卒子午立是為襄公卒子稠立是  
為昭公卒於乾侯魯人立公弟宋是為定公卒子蔣  
立是為哀公卒於有山氏子寧立是為悼公卒子嘉  
立是為元公卒子顯立是為穆公卒子奮立是為共



公卒子屯立是為康公卒子匡立是為景公卒子叔  
立是為平公卒子賈立是為湣公卒子雖立是為頃  
公楚考烈王伐魯滅之頃公遷於下卒於柯魯亡魯  
自周公至頃公凡二十六世共三十四君今曲阜縣  
衛姬姓侯爵文王之子康叔封武王封之於衛歷牟  
伯考伯嗣伯廋伯靖伯貞伯頃伯僖侯武公莊公  
桓公宣公惠公懿公凡十四傳都於沫故殷墟也為  
赤狄所滅國人乃立惠公之弟昭伯之子甲是為戴  
公廬於曹戴公卒齊桓公會諸侯之師城楚邱立戴  
公弟燬是為文公傳子成公遷於帝邱傳穆公定公  
殤公獻公襄公靈公出公出公之父蒯賸入衛自立  
是為莊公出公奔魯衛人逐莊公而立襄公之弟班  
師莊公復入衛衛人殺之齊伐衛執班師而立公子  
起出公復自齊歸於衛逐起而自立出公卒莊公弟  
黔攻出公子而自立是為悼公傳子敬公昭公公子  
亶弑昭公而自立是為懷公公子頹又弑亶而代之

是為慎公傳聲公成侯平侯嗣君懷君元君君角為秦所滅衛亡衛自戴公廬曹後始入東郡凡二十二

君共一十七世

帝邱今濮州

曹

姬姓侯爵文王之子振鐸武王封之於曹都於陶邱傳太伯仲君宮伯孝伯夷伯夷伯傳弟幽伯疆

疆弟蘇弑疆而代之是為戴伯卒傳子惠伯卒傳子石甫公子武殺石甫而代之立是為繆公傳桓公莊公

僖公昭公共公文公宣公成公武公平公悼公悼公朝於宋宋囚之國人立其弟野是為聲公平公弟通

弑野而自立是為隱公聲公弟露又弑通而代之是為靖公傳子伯陽為宋所滅曹亡曹自叔鐸至伯陽

凡二十世共二十五君今曹縣

滕

姬姓侯爵文王之子叔繡武王封之於滕即古滕國也傳十六世至滕侯毅朝魯始入春秋其前世

系無攷穀傳宣公孝侯昭公文侯成公悼侯頊公隱  
公又數傳至定公卽考公文公卽元公滅於宋竹書  
紀年云於越滅滕  
未詳孰是今滕縣

郕 姬姓伯爵文王之子武王封之於郕春秋文公十  
二年郕伯成奔其後地入於魯今汶上縣北有郕  
鄉

郕 姬姓子爵文王之子武王封之於郕春秋桓公二  
年取郕大鼎於宋蓋郕亡入宋齊桓公城楚邱以  
封衛卽其地  
也 今城武縣

茅 姬姓周公之子封於茅薛瓚云高  
平國昌邑縣有茅鄉亭今金鄉縣

胙 姬姓周公之子所封地也漢書  
東郡燕縣西南有胙亭今濮州

齊

姜姓侯爵堯時伯夷為四岳佐禹平水土有功賜姓曰姜謂之呂侯商末太公姜尚佐武王克商封

於齊都營邱太公傳子丁公伋伋傳子乙公得得傳子癸公慈母慈母傳子哀公不辰紀侯譖之於周烹哀公而立其弟靜是為胡公胡公徙都薄姑哀公同母弟山弑胡公而自立是為獻公復都臨淄卒傳子武公壽邱卒傳子厲公無忌胡公子復入齊殺厲公齊人乃立厲公子赤是為文公卒傳子成公說卒傳子莊公購卒傳子釐公祿父卒傳子諸兒是為襄公子子無知弑之雍廩人殺無知國人議立君乃召公子小白於莒立之是為桓公桓公卒公子無虧立國人殺之而立公子昭是為孝公孝公卒其弟湣弑孝公子而自立是為懿公國人勿與弑之而迎桓公子元於衛立之是為惠公卒傳子頃公無野卒傳子靈公環崔杼弑之立太子光是為莊公杼又弑之立莊公

之母弟杵臼是為景公景公卒子荼立田乞廢之而立公子陽生是為悼公鮑子弒悼公立其子壬是為簡公田常弒之而立平公釐乃割安平以東為田氏封邑平公卒于宣公積立宣公卒于康公貨立田和遷之海上食一城以奉祀康公卒呂齊遂亡姜姓齊自太公至康公凡二十世共二十八君

附田

齊

初陳厲公之子完字敬仲出奔於齊齊桓公賢之以為工正因改陳氏為田氏生穉孟彘彘生湣孟

莊莊生文子須無須無生桓子無字無字生武子開與僖子乞乞事景公為相後因詭立悼公得專政乞生子常是為成子弒簡公而立平公常生襄子盤盤生莊子白白生悼子悼子生太公和遷齊康公於海上求為諸侯魏文侯為請於王許之乃立為齊侯卒傳子侯劄卒傳子桓公午卒傳子威王因齊卒傳子宣王辟疆卒傳子湣王地為淖齒所弒王孫賈誅淖齒求湣王子法章立之是為襄王傳子建為秦所滅

秦二世元年齊人田儻自立為齊王秦將章邯殺之齊人又立儻弟假為王田榮逐之立儻子市項羽分齊為三國以市為膠東王都卽墨以安為濟北王都博陽以都為臨淄王都臨淄榮殺市而自立并取三齊之地羽滅之復立假為王榮弟橫逐假而立榮子廣漢王使韓信擊殺之地遂入漢為郡縣田橫復自立戰敗逃於海島漢既定天下乃召橫橫至洛陽自刎田齊亦亡

鄆

姜姓齊太公支孫封於鄆為齊附庸國春秋莊公三十年齊人降鄆在東平州

莘

古莘仲國今曹縣  
舊作莘縣者誤

單

古國路史云帝舜師單卷所居故號單父國為單子國今單縣

用

古國名今禹城縣西

貫 或作鄆 春秋齊宋盟處 杜註濟陰蒙城縣西北有古貫城 今定陶縣

厥 漢書無鹽東平陸古厥國 路史云厥西孔子所宰 今鄆城汶上二縣間有厥亭 有厥氏

莒 古國名 春秋莊公九年公及齊大夫盟於莒 路史云沂之永有莒亭 卽古莒國 今嶧縣

介 東夷國 春秋僖公二十九年介葛盧來朝 杜註國在城陽黔陬縣 今膠州

邾 魯附庸 春秋襄公十三年取邾 漢書任城亢父縣有邾亭 在今濟寧州南六十里

極 魯附庸 春秋隱公二年無駭帥師入極 今魚臺縣有極亭

鄆 魯附庸 春秋成公六年取鄆 又昭公二十六年公會諸侯於鄆 陵按鄆陵為莒邑 今莒州地也

於餘邱 魯附庸 春秋莊公二年公子慶父帥師伐於餘邱

牟

古牟子國在今福山縣境齊獻公滅牟遷於萊蕪春秋桓公十五年牟人來朝是也漢書泰山郡有

牟縣今萊蕪縣有牟縣故城在汶水東北

譚

齊附庸春秋莊公十年齊師滅譚譚子奔莒今歷城縣有譚城驛

郭

水經註郭水出聊城東北寰宇記郭水南岸有郭城春秋時郭公之墟也

陽

齊附庸春秋閔公二年齊人遷陽今沂水縣有陽都城

肥

齊附庸應劭曰泰山郡肥城縣即古肥子國又壽光縣有肥亭亦云肥子國未詳孰是

旌

古侯國今黃縣有旌故城

萊

姜姓東方夷國禹貢萊夷作牧是也或曰湯臣萊朱之後太公初封於齊萊侯來伐與爭營邱春秋



襄公六年齊晏弱圍萊共公浮柔奔棠棠萊邑晏弱圍棠滅之遷萊於郟今黃縣有萊城按舊志載有盧畫聊攝等國攷左傳杜註盧乃齊地非右盧子國也畫為齊下邑聊攝二城名皆非國也又附以齊之孟嘗安平趙之平原望諸四君秦之穰侯皆列於封建殿周之末夫郭靖君食邑於薛傳之孟嘗田單食邑於鄒趙勝封於武城而號平原樂毅邑於觀津而號望諸秦相魏冉以宣太后之弟封穰益陶皆其國君私與之邑非天子所封豈可廁於茅土之末故去之

## 西漢

齊國悼惠王肥

高帝微時外婦之子六年封於齊食七十餘城傳哀王襄文王則則無子

文帝乃分齊為六國盡立悼惠王子見在為列侯者乃立楊虛侯將閭為齊王都臨菑安都侯志為濟北

王都濟北劫侯辟光為濟南王都東平武城侯賢為  
菑川王都劇平昌侯印為膠西王都高密白石侯雄  
渠為膠東王都卽墨景帝三年吳楚反膠西菑川濟  
南通謀皆伏誅除其國齊王以劫與謀飲藥自殺帝  
憐其脅從非罪乃諡為孝王復立其子壽於齊是為  
懿王子厲王次昌為主父偃所搆自殺齊凡四世七  
十六年管侯罷軍 氏邱侯甯國 斥邱營平侯信都

陽邱侯安

以上四人皆悼惠王子文帝四年封景帝  
三年罷軍于庸奴甯國子偃信都子廣竝

以反誅四年安子偃  
坐出國界降為司寇

博陽侯就

被陽侯燕

稻侯

定 定侯越

山原侯國

繁安侯忠

雲侯信

牟平侯濞

柴侯代

以上七人  
皆孝王子

城陽國景王章

齊悼惠王子以朱虛侯入宿衛誅諸呂有功文帝封為城陽王卒傳共王

喜頃王延敬王義惠王武荒王順戴王恢孝王景哀王雲雲弟俚新莽時絕城陽凡十傳一百八十六年

雷侯豨

共王弟武帝封

有利侯釘

東莞侯吉

東平侯慶

利鄉侯嬰

運平侯記

山州侯齒

海常侯福

騶邱侯寬

南城侯貞

以上九人共王子武帝封

麥侯昌

鉅

合侯發

昌侯差

費侯方

虜葭侯澤

洧侯不

疑

東淮侯類

瓠節侯息

彭侯強

鱣侯應

翟侯壽

庸侯餘

原洛侯敢

挾術侯昆

景挾

釐侯爵

枋侯讓

虛水侯禹

拘侯賢

以上十八人俱項王

子武帝封

高鄉侯休

子惠王

茲鄉侯弘

藉陽侯顯

都平

侯邱

東原侯山

箕侯文

高廣侯勳

卽來侯

佼

庸釐侯談

昆山侯光

折泉侯根

博石侯

淵

要安侯勝

房山侯勇

式侯憲

以上十四人俱荒王子宣

帝封

石山侯元

都陽侯音

參封侯嗣

伊鄉侯

遷

以上四人戴王子元帝封

桃山侯欽

孝王子成帝封

菑川國懿王志

齊悼惠王子也初文帝封悼惠王子武城侯賢為菑川王志為濟北王景

帝三年賢與吳楚同謀而志堅守不從帝嘉之乃移志為菑川王傳靖王建頃王遺思王終古考王尚孝

王橫懷王交交子永自志至  
永凡八世一百七十四年  
龍邱侯代 劇侯錯

懷昌侯高遂 平望侯賞 臨衆侯始昌 葛魁侯

寬 益都侯胡 平的侯強 劇魁侯黑 壽良侯

守 平度侯行 宜城侯偃 臨朐侯農  
以上十三人俱懿王

子武陸侯何 廣饒侯國 鉗侯成  
以上三人俱靖帝封 王子武帝封

北鄉侯譚 廣侯便 平侯服 臺鄉侯吟  
以上四人俱孝

王子元  
帝封

濟北國貞王勃

高帝孫淮南王長之子初濟北國係齊悼惠王子興居所封文帝二年興

居以功大賞薄怨望有罪自殺國除入漢十六年復封悼惠王子武城侯為濟北王景帝三年吳楚反以

書招志與勃二王不從景帝嘉之乃徙志王菑川而勃以衡山王徙為濟北王傳成王胡胡子寬有罪國

除勃傳凡三年安陽侯樂子王五據侯臞邱富侯龍

平侯遂

胡毋侯楚

以上四人俱成于武帝封

梁國孝王武

文帝子初封淮陽王梁國都睢陽而兼有山陽濟川濟陰濟東等地在漢初最

為大國高帝封彭越為梁王都於定陶十一年殺彭越立子恢為梁王呂后七年徙恢王趙而封呂產為

梁王諸呂誅地入於漢文帝二年封子揖為梁王十一年墮馬死乃移淮陽王武為梁王北界泰山西至

高陽比初封之國更為廣大景帝中六年分梁為五  
盡立孝王子五人為王子買嗣梁都睢陽而以明為  
濟川王彭離為濟東王定為山陽王不  
識為濟陰王皆及身而止後不復封  
賞鄉侯平

中鄉侯延年

黃侯順

平樂侯遷

留鄉侯就

以上

五人俱梁敬王定  
國之子元帝時封

清河國哀王乘

景帝子以中三年封  
立十二年無子國除

清河國剛王毅

文帝子初封於代武帝元鼎三年徙於清  
河傳頃王陽陽子年凡三世四十八年

魯國共王餘

景帝子前三年自淮陽徙封於魯傳安  
王光孝王慶忌頃王封文王駿無子哀

帝建平三年立駿弟部鄉侯閔為魯  
王自餘至閔凡六傳一百六十三年

廣戚侯將

郁根

侯驕 西昌侯敬

以上三人俱共  
王子武帝封

蘭祺侯臨朝 容

邱侯方山 良成侯文德

以上三人俱安  
王子昭帝封

昌慮侯弘

平邑侯敞

建陵侯遂

山鄉侯瑄

合陽侯平

建陽侯咸

承鄉侯當

東安侯強

以上八人俱  
孝王子宣帝

封 鄆鄉侯

繼爵  
魯王

建鄉侯康

新陽侯永

以上三人俱頃  
王子成帝封

膠西國于王端

景帝子以前三年封立  
四十七年無子國除

膠東國康王寄

景帝子以中二年封淮南王安謀反  
寄私作戰守具備淮南之起及吏治

淮南事辭侵及寄寄於上最親意不自安發病而死  
因有過不敢言置後上知寄有長子賢母無寵少子



慶母甚愛幸乃立賢為膠東王奉康王祀而以慶為  
六安王王故衡山地賢立是為膠東哀王傳戴王通  
平頃王音共王授授子殷國除自  
寄及殷凡六傳一百五十八年 臯虞侯建 魏其

侯昌

祝茲侯延年

以上三人俱康  
王子武帝封

溫水侯安國

哀王

子昭  
帝封

樂望侯光

柳泉侯强

以上二人俱戴  
王子宣帝封

羊石侯

回 石鄉侯理

新城侯根

頃王子  
元帝封

上鄉侯欽

密

鄉侯林

平城侯邑

樂陽侯獲

順陽侯共

昌

鄉侯憲

樂都侯訢

以上十人俱頃  
王子成帝封

陵石侯慶

臨

安侯閔

徐鄉侯炆

堂鄉侯恢

以上四人俱共王  
子成帝封新室始

建國徐鄉侯炆舉  
兵誅莽不克死之

齊王閔

武帝子元狩六年封  
八年薨無子國除

昌邑哀王髡

武帝子天漢四年封傳子賀昭帝崩  
徵賀為嗣仍廢歸國凡二十四年

泗水國思王商

景帝孫常山憲王舜之子武帝元鼎  
三年封為泗水王都邾傳哀王安世

弟戴王賀賀傳子勤王綜  
子靖自商至靖凡六傳一百五十年  
庚王駿駿

于鄉侯定

勤王  
子元

帝封  
昌陽侯霸

庚王子  
成帝封

高密國哀王弘

武帝孫廣陵厲王胥之子宣帝本始  
元年封傳頃王章懷王寬寬子慎凡

四傳八  
十二年

卑梁侯都

膠陽侯恁

成鄉侯安

武鄉

侯慶

麗茲侯賜

安邱侯常

以上六人俱頃  
王子成帝封

東平國思王宇

宣帝子甘露二年封為東平王都無  
鹽子煬王雲坐祝詛廢平帝元始元

年復立雲子開明為東平王三年卒無子立開明兄  
子匡時王莽居攝東郡太守翟義舉兵誅莽奉匡父

信為天子兵敗為莽所  
殺凡四傳五十一年

栗鄉侯護

桑邱侯頃

桃

鄉侯宣

富陽侯萌

西陽侯竝

以上五人俱思  
王子成帝封嚴

鄉侯信

武平侯璜

釐鄉侯哀

昌鄉侯日

新

鄉侯鯉

春城侯允

陶鄉侯恢

以上七人俱煬  
王子平帝封

金

鄉侯不害

西安侯漢

伊鄉侯開

樂安侯禹

以上

四人俱煬王  
孫平帝封

定陶國共王康

元帝子初宣帝於甘露二年封其子  
翼為定陶王三年徙封於楚地入於

漢為濟陰郡康於永光三年封為濟陽王都山陽至  
成帝河平二年徙王定陶仍為定陶國康子欣成帝  
徵入為皇太子立楚思王子景為定陶王繼共王後  
及欣即位是為哀帝追尊共王為恭皇立廟京師徙  
景王信都定陶地  
仍入漢為濟陰郡

附諸王侯

舊志諸王子侯總叙於王國之後參互  
錯綜難於披覽今各從其王國而統系

之其有曾經封國於東省之地而因事遷改或他  
國王子為侯而寄用東省之地名者則總括而附  
見於後又按漢高白馬之盟非劉不王子孫世守  
未嘗有改惟高帝四年封韓信為齊王五年徙封

於楚封彭越為梁王都於定陶此未定制之前劉  
項紛爭之會也至高后封張偃於魯私呂祿於梁

異姓封王實乖漢制蓋志  
合陽侯喜高帝兄初封

備列今援盟典以削之  
高帝從祖昆弟

擊陳豨功封琅邪王  
宛朐侯執高帝姪楚元王交

三年  
反誅乘邱侯將夜景帝孫中山靖王爰戚侯當

猶侯起以上二人景帝孫朝陽侯聖 平曲侯曾

武帝孫廣陵厲廣陵孝王陰平侯回

承鄉侯閎以上二人宣帝孫楚郟鄉侯光 新城

侯武

以上二人楚孝王孫平帝封

樂平侯忻

宣帝孫淮陽憲王之子成帝封

高

陽侯竝

平陸侯寵

以上二人樂平侯忻之子成帝封以上皆王他國而子弟

寄封東土地名

實封功臣外戚恩澤等侯

凡食邑在東省者志之餘不載

清河侯王吸

以中涓從起豐為將軍擊楚功

廣侯召歐

以中涓從起沛為連敖定

燕趙

梁鄒侯武虎

以謁者從定三秦功

費侯陳賀

以舍人從起碭擊楚為將

軍平定會稽功

陽都侯丁復

以越將從起薛為樓煩將破楚功

博陽侯陳滯

以都尉擊楚榮陽絕甬道功

蓼侯孔聚

以左司馬入漢為都尉擊項藉功

城武侯

尹恢以諸侯備守淮陽功歷簡侯程黑以擊楚蕪攻臧荼功平州

侯昭涉掉尾昭涉姓以擊項籍蕪攻臧荼功東武侯郭蒙以戶衛起薛破秦楚

功都昌侯朱軫以舍人從起沛定三秦功曲成侯蟲達將從起碭將從起碭

破秦魏其侯周止以舍人從起沛為騎郎破楚功魯侯奚涓從起沛將軍

定諸侯功高宛侯丙猜以客從定三秦破楚功斥邱侯唐厲初從起豐以亞

將攻楚蕪擊黔布功臺侯戴野以舍人從起碭擊楚功厭次侯爰類以都尉守

功廣武朝陽侯華寄以都尉擊楚功清侯室中同以都尉擊楚功昌侯

旅卿以齊將入漢擊楚又擊韓王信功安邱侯張說以卒起方與從漢擊楚又擊韓

王信 祝阿侯高邑

以上隊將擊魏破楚又擊破陳稀功

須昌侯趙行

以

者從起漢中後為河間守

高陵侯王虞人

以騎司馬從破楚并

擊稀

戚侯李必

以騎都尉擊楚破齊攻臧荼功

成陽侯奚意

以郎將從擊楚

并代功 陽信侯呂青

以用令尹初從功

任侯張越

以騎都尉從擊燕代為車

騎將 桃侯劉襄

從起定陶以大軍侯

張侯毛釋之

以中涓從起豐

擊楚定 安平侯鄂千秋

以謁者從定諸侯并舉蕭何功

煮棗侯革朱

以越將入漢從定諸侯功

郿侯呂它

以父嬰從漢擊楚定諸侯死事

功 滕侯呂更始

為舍人郎中以都尉屯霸上用楚丞相侯

腫侯呂通

以呂肅王



子樂昌侯張受

以魯元太后子侯

建陵侯張澤

以大謁者多奇計

祝

茲侯徐厲

以舍人從起沛用常山丞相侯

東平侯呂庀

以燕王呂通弟侯

祝

茲侯呂瑩

以太后昆弟子侯以上八人高后封

壯武侯宋昌

以代中尉從王參乘

入即帝位功

楚侯蔡兼

以韓冢子還定北地功

黎侯召農

以齊相召平子侯

鉗侯孫單

以父孫印北地都尉死事功

陽信侯劉揭

以典客奪呂祿印閉殿門

止呂產兼定策功以上五人文帝封

魏其侯竇嬰

以大將軍屯滎陽扞吳楚地

郇侯

欒布

以將軍擊吳楚功

建陵侯衛綰

以將軍擊吳楚功

平曲侯公孫

昆邪

以將軍擊吳楚功

蓋侯王信

以王后兄侯

武安侯田蚡

以王后母

弟 侯 山陽侯張當居

以父尚諫楚王戊死事功以上七人景帝封

樂安侯李

蔡

以輕車將軍再從大將軍衛青出塞有功

龍頡侯韓說

以都尉從大將軍青北伐有功

發干侯衛登

以父大將軍破右賢王功 漂陰侯昆邪

以北庭渾邪王降漢功

河綦侯烏黎

以渾邪王降漢功

常樂侯稠雕

以渾邪王降漢功

平州侯王

吸

以朝鮮降漢功

馱茲侯稽谷姑

以月氏王降漢功

承父侯續相如

以使西域功

牧邱侯石慶

以丞相謹厚加恩

秬侯商邱成

以大鴻臚明衛

太子無他意加恩

德侯景建

以長安大夫從莽通殺反者功 轅陽侯江喜

夫捕反者功

蒲侯蘇昌

以小吏捕反者功

丞父侯孫王

以告反者功 博

望侯張騫

以從大將軍北伐知水道兼使絕域功

衆利侯郝賢

以上谷太守四

從大將軍青北伐功

軹侯李朔

以校尉三從大將軍北伐功

澶清侯劉參

以朝

鮮降邳離侯路博德

以右北平太守從驃騎將軍北伐功

外石侯吳陽

以故東越行侯佐繇王功以上二十二人武帝封

柁侯金日磾

以駙馬都尉發覺侍中莽

何羅謀叛功

宜城侯燕倉

以假稻田使者發覺左將軍上官桀謀叛功

博陸侯

霍光

以奉車都尉捕反者莽何羅功

富平侯張安世

以右將軍輔政兼定策功益封

陽平侯蔡義

以帝師為丞相侯以上五人昭帝封

爰威侯趙長年

以平陵大

夫告楚王謀叛功

博侯張章

以長安男子發覺霍氏謀叛功

高昌侯董忠

以

門受張章功言告叛功合陽侯梁喜以平陽大夫告反者功營平侯趙充國

以後將軍兼定策功平邱侯王遷以光祿大夫兼定策功昌水侯田廣明

以鴻臚擊武都氏兼定策功爰氏侯便樂成以少府與定策功陽都侯張

彭祖以世父故掖庭令賀有舊恩平恩侯許廣漢以帝后父平昌侯王

無故以帝舅樂昌侯王武以帝舅樂陵侯史高以帝父舅子侍中與

發霍氏謀卬成侯王奉先以帝后父博望侯許舜以帝后父同母弟長樂衛

尉有舊恩樂平侯霍山以從祖父大將軍光舊日功以上十六人宣帝封馬望侯

冷廣以濕沃公士告反功新山侯稱忠以捕得反者功樓虛侯訾順以捕

得反延鄉侯李譚以尉氏男子捕得反者功陽平侯王禁以帝后父封子

鳳以大將軍並封樂安侯匡衡以丞相侯以上六人元帝封高陽侯薛宣

以丞相侯武陽侯史丹以帝為太子時舊傳恩曲陽侯王根以太成后弟

陽侯趙臨以帝后父高陵侯翟方進以丞相侯以上五人成帝封盧鄉

侯陳鳳以中郎將巡行風俗齊同萬國平帝封

### 東漢

齊國武王縯光武帝兄初起兵破莽更始忌而殺之建武二年立縯子章為太原王十一年

徙王於齊是為哀王傳殤王石石子晃有罪貶爵為燕湖侯章帝以齊武王首創大業而後嗣以罪廢心

常憫之永元二年復封晃子無忌為齊王是為惠王傳頃王喜喜子承建安十一年國除

北海國靖王興

齊武王次子建武二年封魯王後徙北海傳敬王睦哀王基無子和帝封

睦庶子斟鄉侯威為北海王立七年坐誹謗自殺永初元年鄧太后復封睦孫壽光侯普為北海王是為

頃王傳共王翼翼傳臨邑侯復靖王子光平望侯毅子康王無子國除

敬王子章帝封

東海國康王疆

光武帝太子母郭后廢疆不自安願備藩國建武十九年封東海王兼食

魯郡時魯靈光殿猶存詔疆都魯傳靖王政頃王肅孝王臻懿王祗祗子羨魏以為崇德侯楊虛

侯子光

頃王子桓帝封汶陽侯琬獻帝封

濟南國安王康

光武帝子建武十五年封濟南公十七年進爵為王傳簡王錯孝王香

無子順帝立錯子阜陽侯顯為嗣是為釐王傳子悼王廣東武城侯德安王子光武帝封

樂成亭侯文

釐王子順帝封

東平國憲王蒼

光武帝子明帝封為東平國王傳懷王忠孝王敞頃王瑞端子凱魏以為

崇德侯矜陽亭侯梁

憲王孫和帝封

琅邪國孝王京

光武帝子明帝永平二年封傳夷王字共王壽貞王尊安王據順王容容子

熙陽都侯邈

安王子獻帝封

千乘國貞王伉

章帝子建初四年封為千乘國王和帝永元七年改千乘國為樂安國傳

表王寵寵子鴻徙  
封渤海是為孝王

清河國孝王慶

章帝太子建初七年廢為清河國王  
後瑒帝無嗣以慶長子祐入繼大統

尊慶為  
孝德皇

甘陵威王理

安平孝王之子梁太后立之使奉孝德  
皇祀傳貞王定獻王忠至建安年國除

濟北國惠王壽

章帝子和帝永元二年封傳節王登  
哀王多無子順帝永和四年立鄆鄉

侯安國為嗣是為廢王傳  
子孝王次次子鸞鸞子政

附諸王侯

泗水國王欽

光武帝族父建武二年  
封子煇更為堂谿侯

菑川王終欽  
子欽



建武二年封 曲陽侯鳳 終子建武 單父侯茂 歛從弟初

建武十三年以 城陽國王祉 光武帝族兄春陵侯 疏屬更為侯 祉之子初封定陶王

建武二年改封城陽未 成武侯順 光武帝族兄父 之國薨其子平降為侯 慶更始時封為

燕王為亂兵所殺建武二年封 壽光侯鯉 更始子 順為城武侯子遵嗣後以罪免 建武二

年封以奉 濟陰王長 明帝子永平十五年 更始祀 封立十三年卒於京 千乘王

建 明帝子永平三 城陽懷王淑 章帝子永 年封四年薨 元二年封 平原懷

王勝 和帝子延平元 平原哀王得 樂安王寵之子 年封卒於京師 鄧太后立之為

平原哀王卒無子復立河間王 平原王碩 桓帝兄 開子翼為嗣安帝廢之國除 建和二

封年

實封功臣外戚恩澤等侯

高密侯鄧禹

以杖策從渡河入關功

膠東侯賈復

漢兵起聚眾來歸擊破青

精五校賊及降朱鮪功

祝阿侯陳俊

以安集掾從徇河北擊銅馬五校賊破張步董憲功

牟平侯耿況

以上谷太守發兵攻邯鄲誅王郎功

向侯王霸

漢兵起率賓客從擊

王尋破盧芳功

鬲侯朱祐

以護軍從定河北降鄧奉秦豐功

安平侯

蓋延

以虎牙將軍討劉永龐萌功

楊虛侯馬武

以振威將軍擊隗囂功

亢父

侯劉隆

以南陽宗室為騎都尉從定河內功

不其侯伏湛

以大司徒陽都侯更封

觀津侯劉喜

漢兵起與兄植聚兵據昌城迎帝功

夜侯歐陽欽

以河南尹被陽

侯更封為大司空

則鄉侯侯霸

以大司徒追封

夷安侯鄧珍

以父汎

鄉侯卓崇

褒德侯卓茂子建武四年徙封

壽張侯樊宏

以帝舅光祿大夫封

平

望侯樊茂

以宏少子加恩

武始侯張純

富平侯張安世之後建武初詣闕請改封

發干侯郭匡

以帝后從弟以上十九人光武帝封

卽墨侯賈宗

以父昌復功

安侯鄧襲

以父禹功以上二人明帝封

樂平侯梁棠

以帝母梁貴人弟

乘

氏侯梁雍

棠弟傳子商商子冀為大將軍益封萬三千戶

單父侯梁翟

棠弟以上

三人和陽平侯桓焉

以諫廢大

祝阿侯張賢

與定策

功范侯王道

以宦者與定策功

東阿侯苗光

以定策功

北鄉侯任

世

阿陵侯六世孫由西陽侯徙封以上六人順帝封

費亭侯曹騰

以宦者與定策功

容邱侯劉虞

以幽州牧平反者功以上二人桓帝封

濟陽侯何苗

以帝后弟

靈帝封

晉

東平王楙

義陽王望之子武帝封

高密文獻王泰

宣王弟武帝初封隴西王改封高密

東海王越

泰次子以討楊

駿功別封東海

濟南惠王遂

宣王弟  
武帝封

任城景王陵

宣王弟武帝初封  
北海改封任城

平原王幹

宣王弟  
武帝封

琅邪武王伋

宣王子武帝初封東莞改封琅邪以東  
莞並之傳恭王親親子睿渡江是為東

晉元

東安王繇

繇子武  
帝封

齊獻王攸

文王子  
武帝封

東萊王蕤

攸子武  
帝封

城陽哀王邈

文王子  
武帝封

樂安平王鑿

武帝子太康十年增封渤海郡子單嗣  
懷帝無子齊王同表為皇太子河間王

顯廢之

濮陽王允

武帝子咸寧三年封太康十年徙封淮南

濟南王固

愍帝弟初封漢王改封濟南

按東省郡縣自晉元南渡之後五姓竊據封建王侯無復可考惟元魏高齊頗多寄名封爵然無胙土之實不得與兩漢比也唐制諸王受封不過內府給需食解租於京師不得治於其國肅代而後河北盡歸藩鎮終唐之世無建邦啓宇於齊魯間者宋鑿於唐諸王所受封號止及其身子孫惟得以蔭仕為環衛官庶車節鉞以次而改無世襲之茅土南遷而後泊乎金元皆無可志惟有明復封建之舊山左歷多蒲服爰繼漢晉而志之

明

齊藩王搏

高帝子洪武三年封十五年就國於青州府建文元年因罪廢國除

魯藩荒王檀

高帝子洪武十八年就國於兗州因升州為府傳靖王肇輝惠王泰堪莊王陽

鑄懷王當縱悼王建杙端王觀焯恭王頤坦敬王壽鎔鎔傳弟憲王鉉鉉傳弟肅王鏞鏞傳子以派以派

傳弟以海鉅野王泰塏 鄒平王泰塏 安邱王泰圻

樂陵王泰壘 東阿王泰埜 以上五人俱靖王子宣德年封 郟城王

當滋 館陶王當恂 滋陽王當漬 陽信王當潛

高密王當涓

以上五人俱莊王子郟城館陶弘治年封滋陽陽信高密成化年封 東原

王頤瑜

端王子嘉靖年封

漢藩王高煦

成祖第二子永樂二年封十五年就國樂安州宣德元年因反國除改樂安州

為武定州初仁宗即位待高煦甚厚封其長子瞻坦為世子餘子塗為濟陽王域為臨蕃王坪為昌樂王

坪為淄川王坪為齊東王靖為任城王埏為海豐王邨為新泰王至是擒錮西內皆賜死 滕懷王

瞻埏

衛恭王瞻埏

二人俱仁宗子永樂二年封未之國薨

德藩莊王見濟

英宗子成化三年就國濟南府傳懿王祐榕懷王厚墩恭王載埏定王翊

館端王常璽及嗣王由樞而終

泰安王祐楄

濟寧王祐楫

以上二人俱莊

王子成化年封 歷城王厚燁 臨朐王厚燧 高唐王厚燂



以上三人俱懿  
王子嘉靖年封  
臨清王載璟  
懷王子嘉靖年封  
堂邑王翊錢

利津王翊燦

以上二人皆恭王子嘉靖年封

安陵王常審

紀城

王常澍

嘉祥王常注

清平王常濊

以上四人俱定王子萬歷

年封寧陽王由椅

端王子萬歷年封

衡藩恭王祐樞

憲宗子弘治十二年就國青州府傳莊王厚燿康王載珪珪弟安王載封

封子定王翊

子常瀕高唐王厚煥

齊東王厚炳

召陵王

厚燿

以上三人俱恭王子嘉靖年封

平度王載瑯

寧陽王載墉

昌樂王載堉

壽張王載墉

商河王載塔

以上五人俱莊

王子嘉  
靖年封

涇簡王祐楫

憲宗子弘治十五年  
就封沂州無子國除

附諸王寄封

按明制宗室藩王之子孫不得擅出  
始祖受封之國雖經封寄各州縣名

號食祿仍仰給於有司各有定額非因封而食其  
地與漢制等也今將就封東省者列為藩服其子

孫封爵名號已叙於本宗之下其外藩支  
庶有用東省州縣名者附為寄封以別之  
定陶王

銓鑰

潘莊王幼學子太祖  
四世孫正德二年封

博平王安茂

聊城王

安漕 萊陽王安滴

以上三人俱周惠王同鑣  
子太祖五世孫弘治年封

陰王帥鉀


慶憲王仲域子太祖九  
世孫萬歷二十五年封

汶陽王璟余

韓端

王朗錡子太祖十世封壽光王由桂趙穆王常清子  
孫萬歷二十三年封

萬歷二十七年封 嘉祥王由檉益王由本弟萬  
歷四十年封



山東通志卷八